

延喜式考異附録

序表考

中

7保3

1594

60



3 條 7 冊
159 號
卷 60


藏書

延喜式考異附錄中卷

從四位下行侍從兼出羽守源朝臣齊恒考輯



上延喜格式表



天覆地載聖帝則之育民 禮記中庸篇天之所覆
 地之所載又曰辟如天地無不持載無不覆幬易
 上繫辭天生神物聖人則之天地變化聖人效之
 天垂象聖人象之河出圖洛出書聖人則之前書
 匡衡疏陛下聖德天覆子愛海內周易坤大象傳
 地勢坤君子以厚德載物

陰慘陽舒明王象之馭俗 張衡西京賦夫人在陽
時則舒在陰時則慘此假以喻賞罰

朴盡雕至 朴猶質彫猶文蓋喻惇朴之世與禮文
之代也未詳所出

馳騫之迹 爾雅騫務強也疏謂騫謂馳騫務謂事
務皆勉強也

夷隆一致 班固兩都賦序道有夷隆學有麤密周
易下繫辭天下同歸而殊塗一致而百慮

化周天壤澤覃淵泉 壤地也天壤即天地也莊子
應帝王篇壺子曰吾示之以天壤禮中庸溥博淵

泉而時出之

昆季 書仲虺之誥以義制事以禮制心垂裕後昆
孔傳垂優足之道示後世漢書谷永傳時世有中
季天道有盛衰据二者文昆季猶言後世所出未
知

六典 周禮冢宰職大宰掌建邦之六典以佐王治

邦國一曰治典以經邦國以治官府以紀萬民二
曰教典以安邦國以教官府以擾萬民三曰禮典
以和邦國以統百官以諧萬民四曰政典以平邦
國以正百官以均萬民五曰刑典以誥邦國以刑

百官以糾萬民六曰事典以富邦國以任百官以生萬民

依違 詩小雅小旻篇謀之其臧則具是違謀之不

臧則具是依後漢書第五倫傳倫奉公盡節無所

依違

納軌之楷模 隱公五年左氏傳臧僖伯曰君將納

民於軌物者也故講事以度軌量謂之軌取材章

物采謂之物後漢書盧植傳建安中曹操北討柳

城過涿郡告守令曰故中郎將盧植名著海內學

為儒宗士之楷模國之楨幹也

經國之準的 周禮天官冢宰職一曰治典以經邦

國魏文帝典論文章經國之大業不朽之盛事唐

書虞世南傳帝手詔魏王泰曰世南於我猶一體

拾遺補闕無日忘之蓋當代名臣人倫準的

寶命 書金縢篇無墜天之降寶命

誕膺洪基 書武成篇我文考文王克成厥勳誕膺

天命以撫方夏百三家齊王融策秀才文曰朕

獲纂洪基思弘至道

澆醜 北史周武帝紀建德六年詔朕運當澆季思

復古始佩文韻府引舊唐書曰王霸跡殊醇醜代

變揆時而理斟酌斯難併觀之澆醜謂末世也未知所出

富壽 孔子家語賢君篇曰政之急者莫大乎使民富且壽也

憲章所以疊矩凡例由其重規 禮記中庸篇仲尼祖述堯舜憲章文武杜預左傳序其發凡以言例皆經國之常制周公之垂法史書之舊章佩文韻府引卻正釋譏曰君臣協美于朝黎庶欣戴于野動若重規靜若疊矩

質文遞起 漢書杜欽傳殷因於夏尚質周因於殷

尚文史記平準書物盛則衰時極而轉一質一文終始之變也

變通之道 周易上繫辭傳闔戶謂之坤闢戶謂之乾一闔一闢謂之變往來不窮謂之通又曰化而裁之謂之變推而行之謂之通舉而錯之天下之民謂之事業下繫辭變通者趣時者也

道四三皇德六五帝 史記春申君傳王若能持功守威絀攻取之心而肥仁義之地使無後患三王不足四五伯不足六也

灑甘雨以遍普天之澤扇淳風而拂率土之塵 詩

小雅北山篇溥天之下莫非王土率土之濱莫非王臣普溥同又小雅甫田篇以御田祖以祈甘雨劉子全書法術篇淳風一澆則人有爭心情為既動則立法以檢之

重賞輕刑雲鷹之翮忘鷙省徭薄賦野鹿之羣不驚書大禹謨罰不及嗣賞延世宥過無大刑故無小罪疑惟輕功疑惟重是重賞輕刑之事孟子滕文公上篇夏后氏五十而貢殷人七十而助周人百畝而徹其實皆什一也王制曰用民之力歲不過三日是省徭薄賦之事雲鷹之翮忘鷙野鹿之羣

不驚蓋謂化及鳥獸也所出未詳

頑民 書畢命篇惟周公左右先王綏定厥家毖殷頑民遷于洛邑密邇王室

隄防 漢書刑法志書云伯夷降典懲民惟刑言制禮止刑猶隄之防溢水

履薄冰 詩小雅小旻篇戰戰兢兢如臨深淵如履薄冰

搜古典於周室擇舊儀於漢家 古典謂儀禮周禮之類也後漢儒林傳衛宏好古學光武以為議郎宏作漢舊儀四卷以載西京雜事隋經籍志漢官

儀十卷應劭撰

弛張禮雜記下篇張而弗弛文武不能也弛而不張文武弗為一張一弛文武之道也

永徽開元永徽唐高宗年號開元玄宗年號唐藝文志唐初即用隋禮至太宗時中書令房玄齡祕書監魏徵與禮官學士等因隋之禮增以天子上陵朝廟養老大射講武讀時令納皇后皇太子入學太常行陵合朔陳兵太社等為吉禮六十一篇賓禮四篇軍禮二十篇嘉禮四十二篇凶禮十一篇是為貞觀禮高宗又詔太尉長孫无忌中書令

杜正倫李義府中書侍郎李友益黃門侍郎劉祥道許圜師太子賓客許敬宗太常卿韋琨等增之為一百三十卷是為顯慶禮玄宗開元十年以國子司業韋緜為禮儀使以掌五禮十四年通事舍人王岳上疏請刪去禮記舊文而益以今事詔付集賢院議學士張說以為禮記不刊之書去聖久遠不可改易而唐貞觀顯慶禮儀注前後不同宜加折衷以為唐禮乃詔集賢院學士右散騎常侍徐堅左拾遺李銳及太常博士施敬本撰述歷年未就而銳卒蕭嵩代銳為學士奏起居舍人王仲

丘撰定為一百五十卷是為大唐開元禮

老彭 論語述而篇述而不作信而好古竊比於我

老彭

祖述 見上憲章考下

滕理 史記扁鵲傳扁鵲謂齊侯曰君有疾在滕理

不治將深此引以喻其淺

膏肓 成公十年左傳晉侯疾病求醫于秦秦伯使

醫緩為之未至公夢疾為二豎子曰彼良醫也懼

傷我焉逃之其一曰居肓之上膏之下若我何此

引以喻其深

延喜式序考証

蒼精黃神之聖觀人文以化天下 賈公彥周禮序

引易通卦驗曰蒼牙通靈孔穎達禮記禮運疏蒼

牙伏犧也史記三皇本紀木德王注春令故易稱

帝出乎震月令孟春其帝太皞是也据此蒼精謂

太皞庖犧者明矣然不知其所出班固幽通賦黃

神邈而靡質兮善曰應劭云黃黃帝也言黃神邈

遠無所質問淮南子曰黃神嘯吟周易賁彖傳觀

乎天文以察時變觀人文以化成天下

伊川媯水之靈則乾象而垂法度故百官以理 前

編通鑑帝堯紀注羅氏路史曰堯生母家伊侯之國後徙者故曰伊者氏漢史曰伊氏史記正義曰帝王紀曰堯都平陽括地志曰今晉州所理平陽故城是也平陽河水一名晉水據此伊川指堯而言也所出亦未詳媯水謂舜也書堯典釐降二女于媯汭嬪于虞孔傳舜為匹夫能以義理下帝女之心於所居媯水之汭行婦道於虞氏周易上繫辭成象之謂乾效法之謂坤唐書天文志曰其所以重曆數之意將欲恭授人時欽若乾象不在渾蓋之是非論語泰伯篇大哉堯之為君也魏魏乎

唯天為大唯堯則之周易下繫辭上古結繩而治後世聖人易之以書契百官以治萬民以察自有高枕之君萬民以治乃見擊壤之叟韓非子用人篇上無殷夏之患下無比干之禍君高枕而臣樂業道蔽天地德極萬世矣萬民以治見上前編通鑑帝堯紀有老人擊壤而歌曰吾日出而作日入而息鑿井而飲畊田而食帝力何有於我哉龜圖易繫辭河出圖洛出書聖人則之魏徵九成宮醴泉銘雲氏龍宮龜圖鳳紀日含五色鳥呈三趾

鳥運 未詳所出。按昭公十七年左氏傳：少皞摯之立也，鳳鳥適至，故紀於鳥為鳥師，而鳥名，所謂鳥運，豈謂此與？

君唱臣和 晏子春秋外篇第十則：君強臣弱，政之本也。君唱臣和，教之隆也。

風雲 周易乾文言曰：雲從龍，風從虎。范曄二十八將論：咸感會風雲，奮其智勇，稱佐命，亦各志能之士也。

魚水 蜀志先主曰：孤之有孔明，猶魚之有水也。

綸言 禮記緇衣篇：王言如絲，其出如綸。王言如綸。

其出如綽。

權衡 禮記深衣篇：權衡取其平。荀子禮論篇：繩墨誠陳矣，則不可欺以曲直；衡誠縣矣，則不可欺以輕重；規矩誠施，則不可欺以方圓。君子審於禮，則不可欺以詐偽。

轡策 孔子家語執轡篇：德法御民之具，猶御馬之有銜勒也。君者人也，吏者轡也，刑者策也。夫人君之政，執其轡策而已。

高推 吳都賦：剖判庶土，高推萬俗。國有鬱鞅而顯敞，邦有湫阨而蹇跼。

體元履正 春秋元年春王正月杜預曰凡人君即位欲其體元以居正故不言一月一月也魏志崔林傳孟康薦林曰夫宰相者天下之所瞻效誠宜得秉忠履正本德杖義之士足為海內所師表者御斗提衡 韓非子有度篇貴賤不相踰愚智提衡而立治之至也又曰權衡縣而重益輕斗石設而多益少
炎涼 猶言暑寒蘓軾詩炎涼徒自變
大陽之洪暉 百三家應瑒正情賦發朝陽之鴻暉洪鴻通用

螢爝 劉子全書正賞篇不沒纖芥之善不掩螢爝之光

溟渤 百三家梁元帝請於州縣置學校表不升嵩霍豈識乾行之峻不臨溟渤安知地載之厚牛涔 淮南子俯真訓牛蹄之涔無尺之鯉塊阜之山無丈之材

百川之流皆歸於海 書禹貢江漢朝宗于海孔傳百川以海為宗蔡邕郭有道碑文猶百川之歸巨海鱗介之宗龜龍也
萬目之紀俱理於網 韓非子外儲說右下傳四之

一則善張網者引其網若一一攝萬目而後得則
是勞而難引其網魚已囊矣。

勤非簡要道謝清通 晉書裴楷傳吏部郎關文帝
問其人於鍾會會曰裴楷清通王戎簡要皆其選
也。

甲令 前書宣帝紀地節四年詔令甲死者不可生
刑者不可息注如淳曰令有先後故有令甲令乙
令丙師古曰甲乙者若今之第一篇第二篇耳
肅霜 詩豳風七月篇九月肅霜毛傳肅縮也霜降
而收縮萬物此照秋官以譬威罰也。

秋官

周禮秋官大司寇職掌刑典。

刻本跋文

本朝之昔比年間歲與中華往來風帆不絕海不揚波道有交隣道德文章以傳承焉禮樂刑法以準擬焉李唐刑書有四曰律令格式令者尊卑之等數國家之制度也格者群司之所常行事也式者其所常守之法也凡政事由此三者若有所違人入于罪者一斷以律其中高祖武德式太宗貞觀式高宗永徽式玄宗開元式各若干卷皆時宰奉勅撰之本朝有弘仁貞觀延喜三代之式蓋準擬而為之者乎艸創于嵯峨討論于清和修飭潤色于醍醐時貞

信公奉 詔與名臣博士等監於二代損益沿革隨時隨宜以行于世雖唐式不可以加也欲議 朝儀者可不考乎頃年中原革庵職忠使兒孫校讎延喜式清原前給事中兼白漿令賢忠朝臣見而嘉之歷稔四十九卷既平時會劄刷氏求之鏤梓其文字鮮明讀者便焉但一部五十卷內第十三卷闕此一卷秘在九條殿下不能容易啓稟偶會其有事故而罷可勝歎哉多方求之不克得也聞尾陽亞相源君嘗寫殿下之本屢就余以請之遂達之源君以其廣世播後之可遠及故聽而出之於是五十卷全備可謂

幸矣上之用焉則

朝廷之法率於舊章下之由焉則百官之職存於有司矧又令臨時處事者可以識物名乎不亦偉乎何愧唐禮哉庶乎使自中華至者見之知

本朝有所矜式于有道也若此一卷文字脫落或有焉它日參諸異本以補之可也然及史之闕文雖聖人所以闕疑也况後學乎清中二氏請余書其後弗措余想二氏者四道家流共居其一勉哉復古之業有待焉遂書慶安元年戊子戶部法印道春

貞享本奧書

穎川氏雅袒依所望數冊書寫送之。早速之條粗誤有之矣。重而加一校畢。貞享五辰年正月中七。參議左太辨從三位藤原俊方。

享保本首題

原有另本行于世。某卷關慶安戊子年林道春依尾州源公藏本補之。明曆丁酉秋鏤梓於弊堂。寬文丁未年松下氏再治烏烏歸。正是歲癸卯秋奉

官命印進一套。然其梓年久。其字或蠹頽或脫落。乃考之異本。以裝修之。恐尚有材為村了。為了之謬。請四方君子正。享保癸卯秋九月日出雲寺藏板。

延喜式考異附錄中卷

此處有極淡的墨迹，可能是原稿的殘留或印痕，但內容極其模糊，難以辨認。

